

REGIONAL NEWS UNIT  
ALL INDIA RADIO GANGTOK  
BHUTIA NEWS BULLETIN

BROADCAST: 18:50 HRS

DATE: 29/04/2024

---

**LOK SABHA ELECTON**

རྒྱལ་ཁབ་ ན་ ཐངས་ ༡༥ པའི་ Lok Sabha བཟོ་བའི་ འོན་ལས་ ལག་ གསུམ་པོ་ ན་ འཛོན་མཁན་ འོས་ཤོག་ གི་ འོན་ལས་ རང་ཐང་ རང་ཐང་ སྲིད་བྱུས་ ཚོགས་པོ་ ཚུ་ གྱི་ འབྲེལ་གཤམ་ ཚར་གཞི་ ཚུ་ འཛོན་བཞིན་ ཡོད། འོས་ཤོག་ ལྷགས་ཤང་ འདྲེ་ May གྱི་ ཚེས་ ༡ ན་ འཛོན་ཤང་ ཨིན།

BJP, INC, TMC, SWP, BSP, SS, RWCP, JDU, RJD དང་ གཞན་ ཚོགས་པའི་ འབྲུས་མི་ ཚུ་ གྱི་ འོས་ཤོག་ འབྲེལ་གཤམ་ གནང་བཞིན་ ཡོད།

གཞན་ རོས་ན་ Lok Sabha འོས་ཤོག་ གྱི་ ལག་ བཞི་བའི་ འོན་ལས་ འབྲུས་མི་ ཚུ་ གྱི་ རང་གྱི་ མིང་ ལོག་ ལེན་བའི་ ཉེན་ མཐའ་མ་ འདྲེ་ ད་རིང་ ཨིན།

ལག་ འདྲེའི་ ན་ འོང་མཁན་ ལྷ་པོ་ གྱི་ ཚེས་ ༡༥ གྱི་ ཉེན་ཚེ་ ༧ ཐམ་བ་ མངའ་ལྡེ་ དང་ ༡ UT གྱི་ ལྷོ་མས་ལྡེ་ ༧༤ ཐམ་བ་ Lok Sabha ལྷི་ ཚུ་ གྱི་ འོན་ལས་ འོས་ཤོག་ འཛོན་ཤང་ ཨིན།

**POSTAL BALLOTS**

མངའ་ལྡེ་ གྱི་ རྫོང་ཁ་ ལས་ཁུངས་ ཚུ་ ལོ་ Postal Ballot གྱི་ ཤོག་གོ་ ཚུ་ འཛོན་བའི་ གཞུག་ཚུ་ འཛོན་བཞིན་ ཡོད།

རྒྱལ་ཁོང་ རྫོང་ཁ་ ན་ ད་རིང་ ༡༥ ཐམ་བ་ Postal Ballot ཤོག་ཀུ་ ཚུ་ Pelling Postal Office ལས་ འོས་ཤོག་ ལས་ལག་ གྱི་ ལས་འཛོན་ ཚུ་ ལོ་ བྱེན་བོ་ གནང་བོ་ སྤང།

འདྲེའི་ ལོ་ན་ རྫོང་དཔོན་ དང་ རྫོང་ཁ་ འོས་ཤོག་ ལས་འཛོན་ ལྷུ་ལའབས་ M. Bharani Kumar, རྫོང་ཁ་ སྲིད་ཀྱི་ བྱ་བ་ དབྱས་ཀྱི་ ལས་འཛོན་ ཚུ་ དང་ རང་ཐང་ རང་ཐང་ སྲིད་བྱུས་ ཚོགས་པའི་ འབྲུས་མི་ ཚུ་ གྱི་ ཡང་ ལྷགས་འགན་ བཞེངས་པོ་ གནང་བོ་ སྤང།

རྒྱ་གར་ གྱི་ འོས་ཤོག་ ལྷིགས་བཅུས་ གྱི་ ལྷོ་མས་ གྱི་ འོན་བཞིན་ འཛོན་ ཡོད་པའི་ postal ballot ཤོག་ཀུ་ ཚུ་ ལོ་ ལ་བཅད་ ལྷི་ རྫོང་ཁ་ སྲིད་ཀྱི་ བྱ་བ་ དབྱས་ རབ་ལྷན་ཚེ་ ན་ ཡོད་པའི་ strong room ན་ བཞག་གོ་ སྤང།

**ETBP'S MEETING**

ནམ་ཚེ་ རྫོང་ཁ་ སྲིད་ཀྱི་ བྱ་བ་ དབྱས་ན་ ད་རིང་ རང་ཐང་ རང་ཐང་ སྲིད་བྱུས་ ཚོགས་པའི་ འབྲུས་མི་ ཚུ་ གྱི་ འོས་ཤོག་ agent ཚུ་ མཉམ་བུ་ ཚོགས་ལྷུས་ གཅིག་ ཚོགས་པོ་ སྤང།

Service voter ཚུ་ གྱི་ འོན་ལས་ electronic ཐོག་ན་ འཛོན་བཞིན་ ཡོད་པའི་ Postal ballot ཤོག་ཀུ་ འགྲོ་སྤངས་ ETBPS གྱི་ རང་ཚུད་ འཛོན་ ཡོད་པའི་ འོས་ཤོག་ ཚུ་ ལྷོ་མས་ཤང་ དང་ འབྲེལ་ལྡེ་ བོས་ ཡོད་པའི་ ཚོགས་ལྷུས་ གྱི་ དབྱེ་བྱིག་ འདྲེ་ རྫོང་དཔོན་ དང་ རྫོང་ཁ་ འོས་ཤོག་ ལས་འཛོན་ ལྷུས་ Annapurna Alley གྱི་ བྱས་བོ་ གནང་བོ་ སྤང།

ཚོགས་ལྷུས་ལོ་ བཟུང་འབྲེལ་ གནང་བཞིན་ རྫོང་དཔོན་ གྱི་ electronic ཐོག་ན་ འོང་ ཡོད་པའི་ postal ballot ཚུ་ རྒྱ་གར་ གྱི་ འོས་ཤོག་ ལྷིགས་བཅུས་ གྱི་ བཀའ་ འོན་བཞིན་ བཞག་ ཡོད་པའི་ འོན་ལས་ ཡང་ གསུང་བོ་ གནང་བོ་ སྤང། ཐམས་ཅད་ རྫོང་ཁ་ གྱི་ བདུན་ ཐམ་བ་ ས་གནས་ ཚུ་ གྱི་ འོན་ལས་ ད་ལྟ་ ཟང་ལྷེ་ བརྒྱ་ ༡ དང་ ༤༥ ཐམ་བ་ postal ballot ཚུ་ འཛོན་བཞག་ ཡོད།

**CM**



སྤྱད་བཅུ་གི་ ལྷན་པ་ བ་ Bharatiya Sakshay Act 2003 དང་ Indian Evidence Act 1872 གི་ འབྲེལ་བ་ གི་ རྫོང་ལོ་ གཏམ་  
སྐྱབས་པོ་ གནང་བཞིན་ རྒྱལ་ཞིང་ གི་ རྫོང་སྤྱང་བའི་ དབུས་འཛིན་ རླུ་ཞབས་ J. Jayapandiyam གི་ རྗེང་ཀྱང་ གསར་པོ་  
ཚུ་ཁྲིམས་ གི་ དོན་བཞིན་ ཡོད་པའི་ འགྱུར་བ་ ཚུ་ གསལ་དགས་ གནང་བོ་ སྤང་།

འདྲའི་ ཞོས་ན་ གསོ་རེང་ གི་ SDPO རྫོང་སྤྱང་བའི་ thana གི་ ལས་འཛིན་ ཚུ་ དང་ རྫོང་ སྤྱང་བའི་ ལས་མེ་ ཚུ་ གི་ ཐུགས་འགན་  
བཞེངས་པོ་ གནང་བོ་ སྤང་།